

Ханты ясайд

9 июня 2016 года

www.khanty-yasang.ru

№ 11 (3455)

Основана 1 ноября 1957 года

Няврэмят давалты
хатл пила!



Түкъякәң кәрт пушхәт ўңкилал па пираш ёхдал
пила ищи ханты вера күншемәләт

Тәм
номерән
лүңтаты:

6

Ёмвоши
ратхәр пүңдәлн
ат мәнәс

7-10

Полнават
вош няврэмят
айкеләт хәншәт

11

Даль пурайн
рәпитум не
Н.К. Молданова
вәлүпсәл одәнән

14

Касум воши
вәлты ими Л.Т.
Спиридонова
ханты ясәнән
арәт хәншәл

7

Ёмвоши
Вурщак хатл
постасы

16

Хутыса округев районатн па вошатн кәща ёх вәрәт мәндәт, ши одәңән мәнум тылаш 24-мити Ёмвоши мирхотн путәртсү. Ши пурайн местной самоуправление вәрәт өхтыйн рәпитетты округ губернатор пила совет мирхот вәс.

Округ кәща нә Наталья Комарова лупәс, хуты Югра мүвев иса тәхетн бюджет вәрәтихурасупа

ләщәтты мосл. Кашан вәра мосты щирн вухат мәтү мосл, дәлн еллы нәртамлы округ вухат

ал тәруптасты. Ләв лупәс, хуты мәт яма Кондинской район кәшайт рәпитеттә. Щата

2010-мит ол вүш эвәлт вмененной доходаты единой налог эвәлт итәх вух шәп район кәртәтә сухуптәлә. Н. Комарова лупәс, хуты щит ям вәр, па районатн ищиты вәрты рәхл.

Надежда РАГИМОВА

Ар хот йитуп хотат одәңән путәр

Мәнум тыләшни Югра мүв губернатор нә Наталья Комарова правительства мирхот айтыләс. Вәйтантупсыйн ар хот йитуп хотат одәңән путәр мәнәс. Щит пәты тәта ар хот йитуп хотат вантман тәйты тәхет ёх иши вәсәт.

Кәща нәцев яснәт щирн, ищимәш вәйтантупсы и ол юхлы пәла вәс. Щи пурайн тәмтәхет лицензирование одәңән путәр мәнәс. Интәм уша вәрты мосл, хутыса йилуп щирн ол мәр ар

хот йитуп хотат вантман тәйты тәхет ёх рәпитеттә. Н. Комарова лупәс, хуты тәта ямшак па атумшак вәрәт етляләт. Ям, хуты тәм тәхет тәса рәпитетты питтәт, атум вәр 32 процентая

шимда юис. Атум, хуты - хотат хошмәләт, нувиттүт вүщитты, каврум па потум йинк мәтү вәрәт пәты тылаш мәр сухуптәтү вух одәңән округ мир эвәлт вохты пищма ара юис. Вантә, итәх пурайн түт, йинк па хошум вәр пәты вух юврая лүнәтлә па вүлдә. Щит пәты тәм вәр мәт яма вантты мосл, дәлн кашан хуята кеншака

вәлтү ат юис.

ЖКХ пәты ўн сухуптәтү хуята одәңән па путәртсү. Кәща нәцев яснәт щирн, тәм вәр ямсыева вантты мосл. Итәх мир арсыр нүшайт, даварт суртат тайл, итәх ёх кәшиләт па мосты пурайн вух ўн сухуптәләт. Щит пәты тәм вәр мәт яма вантты мосл, дәлн кашан хуята кеншака

Ирина САМСОНОВА

Нух питум ёх пила вәйтантупсы

Округ кәща нә Наталья Комарова «Спости и сохранить» мүвтәл мир 14-мит экологической верн нух питум хуята пила вәйтантыләс. Дыв Россия мүвн экология ола ләщатум вәрәт одәңән путәртсәт.

Мүвев кәща нә нух питум ёха вүща яснәт лупәс, щит учителят, нявшемәт пила рәпитеттә, мүв илпи таш вүты хәннәхуята, ай вошат па кәртәт кәща хуята, айкел кәншты мир па вәнләтүләт нявшемәт.

Н. Комарова лупәс, хуты тәм одн ар нявшем

па айлат ёх мүв лавалты вәра вүянтсәт. Па и вудаң вәр округевн, щит Экологическая вахта ләщаты. Тәм пүш 150 тонна арат ўн мосты непек айкыт, щит 1850 арат юх єнумты хәшшәс, 20-кәм арат тәпәр пай па 200-кәм картсесы нух вүсы. Па еллы

тәмаш мосты вәрәт па ләщатлыйт.

Манстар район эвәлт юхтум эви Дарья Алексеева «Красная книга глазами детей» вәр одәңән ай павтас. Хәт ол юхды Талинка кәртән краеведческой музей ёх щит ләщатты одниттәт. 2010-мит одн «Вурты киника нявшемәт сәмн» мүвтәл мир вәра юис па тәмхәтл ЮНЕСКО тәхи өхтыйн ләщатлә. 2012-мит одн мүвтәл мир нявшемәт щи кәсупсыя

ләв хәншум непекдал, вәрум пурмәсләт па па арсыр әмәш щүнкәт киттәт.

Мойн хуята округев кәща нәца лыв интәм па еллы питты вәрдәл одәңән путәртсәт. Юхи хәншум артән Н. Комарова нух питум ёха лупәс, дәлн еллы ищиты тәса мүвев лавалты пәта ар ям мосты вәрәт ат ләщаттәт.

**Хәнты яснә тулмаштас
Надежда ВАХ**

Мүв давалтты вәр сухнас

Тәм ванан «Спости и сохранить» нәмпи мүвев-йинкев давалтты вәр сухнас. Тыв арсыр мүвтәл эвәлт хәннәхуята юхтыләт. Округ кәща одәңән ләнкәр хә Геннадий Бухтин айкеләт айкәтты ёх пила вәйтантыләс па щи мәнум вудаң вәр одәңән путәртсәт.

Ищиты ләв лупәс, муйсәр мосты вәрәт дыв тәм өхтыйн еллы ләщатты питтәт. Щиты «Северный Форум» тәхи кәща хә М. Погодин яснә тәс, хуты 2017-мит одн тәм экологической

акция өхтыйн дыв мирхот вәрты ләнхаләт, хута Арктика мүв давалтман па шавиман тәйты одәңән путәрттә питтәт. Г. Бухтин ләв пилэда иши кашашас. Тәм ол «Спости и

сохранить» акция вүранын хәлумсоткем сыр-сыр вәр ләщатылды. Щи вәрәт өхтыйн 40 па хон пеләк мүвтәл па Россия 77 тәхет эвәлт мир рәпитеттә. Иса луваттәл – миллион шәпкем хәннәх.

Кәща ләнкәр хәлупәс, хуты тәм вәр мәт одәңән нявшемәт экология вәра вәнләттәт пәта ләщатлә. Мүн округев хуята тәм пүш «Мир и согласие» мүвтәл вәр өхтыйн «Экологическое образование»

номинация щирн одәң тәхи ёша павтас.

Ищиты М. Погодев лупәс, хуты шуши мират одәңән юремәтә ўн мосл, дыв юис вәлупсәл хүват, тәм йилуп юис щирт уша вәрты рәхл.

Лупты мосл, хуты нух питум хуята тәм ол вәйт дор тыләшн Пулдәвәт вошн айлат ёх пәта вәрты «Одна планета – одно будущее» вән мирхота мәндәт.

**Хәнты яснә тулмаштас
Надежда ИЛЬИНА**

Йилуп щирн рэпитты питлät

Ас нопатты тылдäш 27-мит хäтäдн «Наука и инновации в Югре-2016» немуп вэр ролäхн айкел äkättty ёх Южно-Приобской тäхия яñxsäät, хута питы вуй холумтды. Щи ут «Газпромнефть-Хантос» па «Газпромнефть» тäхенäна лäñман вэл. Щälсаты лыв мёв илпи таш нух вüты мир хота па «Технопарк высоких технологий» хота яñxsäät.

«Газпромнефть-Хантос» тäхия айкел äkättty мир немасыя лäñтыйлсäät. Вантэ, Ёмвош окружäн щит одäñ рэпата тäхи, хута «Бережливое производство» немуп вэр лäшттты питсы. 2016-мит од вüш эвälт Югра мёвн «Бережливый регион» немуп вэр посн итэх рэпата хотаt рэпитты пиньшässäät. Щит лäшттлы, лäñн рэпата тäхет мет яма рэпитты ат вüянтсäät па югорчанäт иса яма вäлтты ат питсäät.

Приобской немуп питы вуй холумты 933-мит тäхийн гидравлической немуп (ГРП) вэр одäñän Андрей Сердюк па Олег Шулььевичайкел äkättymiraай павätsäät. **А. Сердюк** лупäc: «Тäта мёñ мет одäñän 30-мит арат пüш мёв илпийн гидравлической разрыв немуп вэр вэрты питлүв. Сыры тäп 18 арат пüш

щит вэрäntcöv».

Андрей Петрович ясäн щирн, мёв илпийн пласт немуп тäхи бесшаровой щирн шўкatty питты, щит иши бережливой вेra лüçtты räxh. Щит унтасн мет ар пüш ГРП вэрты питты па сорашäkskvajina эвälт питы вуй нух талты пиньшäldы. Интум нумäс вэл и атд-хätlä mär xët пüш ГРП вэрты, сыры «Газпромнефть-Хантос» мёвбätn тäп хäлум пüш щит вэрäntcöv. Xën мёв илпийн похнутгäты вэр вэрлы, алпа, нёмн щи вэр сацл? А. Сердюк лупäc, xännexä щит äñ сацл. Муй мёв илпийн тýväl, щит одäñän лыв сейсмодатчик ўñkäät унтасн уша павätläät. Щит тäса уша вэртыя буровой хуши рэпата вэрты вудылы па тütäñ эхдät щи mär тыведттухедт äñ яñxläät, лäñн нёмн нёмält сый ал сацäc.

ВЭЯТН ЩИ ОДÄÑÄN

«Газпромнефть-Хантос» немуп тäхи 2005-мит одн «Приобской» па «Пальяновской» месторожденияйт юкана вэрсы. Интум щи тäхи ёх Приобской, Орехово-Ермаковской, Пальяновской, Южно-Киняминской, Мало-Юганской, Западно-Зимний па Зимний (Уватский район Тюменской области) питы вуй вüты мёвбätn рэпитlät. Юхи хäшум одäñt окружевн щикüш шимäldäk питы вуй холумты питсы, «Газпромнефть-Хантос» ищипа ар мёв илпи таш нух вüл. Тäнял Южно-Приобской тäхийн газ эвälт арсыр ут вэрты хот пüñshы. Шимл газ тäрума есäлты пäты «Газпромнефть-Хантос» ёх Всемирной банк эвälт мойлупсыйн мäсäйт. Кäт од mär щи тäхи «Черное золото Югры» немуп кäсupsыйн нух питыldäc.



Южно-Приобской тäхийн

Р. Ользина вэрум хур

«Газпромнефть-Хантос» хот хуши кäща лäñkäp xë Михаил Черевко импортозамещение вэр одäñän путärtäc:

- 2014-мит од вüш эвälт мёñ импортозамещение вэр лäшттты питсöv. Па хон пелäk пурмäcäät па ўñkäät юкана российской утät унтасн рэпитты питсöv. Тäm пülyäc 65-70% араттыя Россияйн вэрум пурмäc rövn рэпитлүv. Щитät kütñ тäп мет ям пурмäc вüldüv, лäñн па хон пелäk утät иты щитät тäsa ат рэпитsäät. Итэх тäхетн мёв мёvewn вэрум пурмäcäät унтасн рэпитты щир äñtäm, щимäšt утät худна тäta äñ вэрлыйт. Щит пäты елды па хон пелäk пурмäc унтасн рэпитлүv. Хэнты иши щитät юкана тäm мёvн вэрум ўñkätn рэпитты питлүv.

Йилуп вэрät лäшттты тäхийн рэпитты хэ Евгений Цинаев айкел äkättty ёха лупäc, хутысаты «Газпромнефть-Хантос» хуши бережливой щирн рэпитты пиньшässäät:

- Бережливой вэр компацияев хуши 2010-

мит од юпийн дäшттты питсöv. Итэх тäхетн щит вэрты тýväs. Интум щи вेra кäщайт вэнлтäldüv. Бережливой рэпата - хэн рэпатнекйт йилуп щирн нёмästy па мет яма рэпитты пиньшäldät. Щälta кäщайт рэпата мет яма лäшtäldät па вухät ям щирн тäруptäldäyt. Интум итэх рэпатайт мёñ шенк хëv mär вэрлүv, йилуп щирн щитät сора вэрты питлүv. Муй тýväl, щи одäñän täm ол сухäntы артäн уша павätlüv. Муй арат вух щит унтасн närtama äñ тäruptäldüv, щит иши ёхät уша иил.

Бережливой вэр одäñän «Газпромнефть-Хантос» рэпатнек **Александр Древалев** путäp елды тэс. Лüv ясñäл щирн, Россияйн арсыр мёvн щи вэр унтасн мир рэпитlät. Итэхт тäп щи вेra вüянтсäät, па утät хëv mär щиты рэпитlät. Сбербанк хëvñshäk йилуп технологияйт унтасн па йилуп щирн рэпитl. «Мёñ щиты рэпитты лäñhalüv, лäñн клиент ўñjan, ат вës па бизнэс вэрты ёха эмäšt рэпитты ат питäc», - лупäc A. Древалев.

Реональда ОЛЬЗИНА



Нялино кәртән

Н.Рагимова/верумхур

Перепись вәщ тыләшт оләңмит хәтл вүш эвәлт вәйт лор тыләшт 15-мит хәтл вәнты мәнты питл, хүв мүвәттән омәстән кәртән па вүт кәртән щит верлы лыпәт хойты тыләшт 15-мит хәтл вүш эвәлт Ас потты тыләшт 15-мит хәтл вәнты. Муй щит унтасн уша верлы, мет сырьы 2017-мит одн мира ай паватлы, ёхат 2018-мит одн.

Ёмвош округгән 50-кәм щурас рәпата тәхет па хотаң ёх ощат, ёш войт нух хәншыйт. Статистика нәмуп хотаң ин вәнты щи ут немаң иса непека нух хәншыйт. Щит 970-кәм крестьянско-фермерской па индивидуальной тәхет, 98 рәпата тәхет, 13 мултас щурас некоммерческой утат, 23-кәм мултас щурас кәртән ощат, ёш войт па 11-кәм щурас щимаш утат вошат

хуши. Кашаң тәхи дүв саттэла непека хәншлы. Щи оләңан Ас нопатты тыләшт 24-митн айкел ёкәтты ёха природной ресурсы департамент па Ханты-Мансийскстат нәмуп тәхенән рәпатнекат ай паватсат.

Ёмвош округ статистика хот кәща Валерий Ярлов ясән щирн, тәп перепись унтасн арсыр вәр уша паватты рәхл. Щит дәшттән даварт, щит паты яң ол мәр ипүш вәрәнты. Щит вўраңан интум уша йил, муй арат подсобной хозяйство вәл, хута мүв дәтут сималтлы муй мүвәт вүшкәсийт, муйкем ёш вой вәл па па ут. «Ушана экономика вәр дәшттән паты түщирән вәты мосл, муй щирн сельскохозяйственной верат мәнләт. 2016-мит одн питты перепись эвәлт ёхат уша йил, юхи

Федеральной поступсы вўраңан Россияйн Всероссийской сельхозперепись яң ол мәр ипүш верты рәхл. Щит паты 2016-мит одн пурга юхтас щит верты. Интум щи хәннекәйт па рәпата тәхет, хуйтат мүв дәтут па ёш вой сималләт, нух хәншыйт.

ЁШ ВОЙТ ПА ОЩАТ НУХ ХӘНШТЫ ВЕР ДӘЩАТЛЫ

хашум хәлум-нял ол мәр сельской хозяйства хуши муйсар вәрәт тывсат. Щалта уша вәрлүв, муй питас 2006-мит ол вүш эвәлт», – лупас Валерий Михайлович.

ХМАО-Югра хуши 104-кәм переписчик нәмуп ёх рәпитетти питләт. Кашаң хуят етәр хәреп вансахн па милн мәлдә. Лыв худыева удостоверение непек па нәм непек тайты питләт. В. Ярлов лупас, хуйтат хота переписчик юхтәт, немаң инъашты мосл. Щалта удостоверение па нәм непекл вантты, ләлн вәты, хуты щитяна ощат-ёш войт хәншты хуят вәл. Лыпәт тыләшт 23-30-мит хәтләтн щи ёх немасия хотаң хуват яңхләт уша верты, хута щитат омасләт па хотаң ёх лупты, хән войдал па мүвед нух хәншты юхтәт. Хүв тәхетн па вүт кәртән вәлты мирана итәх переписчикат лыпәт хойты тыләшн туҳләң хопн яңхләт, хән щитат нявремәт ўшколая тәлыйт. Щалта пиресты вәр дәшттән

мир пида иши щив яңхләт.

Природной ресурсы департамент рәпитет Аксандар Киселев лупас, нух хәншты вәр Росстат дәштәт. Мүң мүвевин щи тәхия природной ресурсы департамент хуши рәпитеттә мир нётләт. Щи вәра округтеги мосты поступсәт есалсыйт, переписчикат рәпитеттә хотаң, карткел хүват путәртты щүңкәтн па тыв-тухи яңхты нохадн мәлдәйт, щалта лыв нух давалтты питләйт. Щи вәра федеральной кәсна эвәлт 14 мултас миллион шойт вүх мәсү. Щитат ёхат муниципалитеттә мәлдәйт, хута интум нух хәншты вәр дәштәт.

«2006-мит одн вәрәнтум перепись юпийн РФ хуши приоритетной национальной проект нәмуп вәр дәштәт. Щит унтасн агропромышленной тәхета нёттыя государственной поступсы есалсый. Щи ут интум вәнты рәпитет. Ёмвош округ-Юграйн ищимаш поступсы вәл, щи вәра федеральной па окружной кәсна вүхәт рүүн 70-кәм нётупсы мүв хәрийн рәпитеттә мирана мийляды. Юхи хәшум хәлум одн 1,5 миллиард шойт вүх щи нётупсыя тәруптасты. Щит унтасн ёш войт сималләйт па мүв хәры рәпата вәрлә», – лупас А. Киселев.

ВӘЯТН ЩИ ОДАЧАН

Перепись нәмуп вәр мөт оләңан Киевская Русь нәмуп мүвн вәрийләс. Вантә, кәнашат ләнхасаңт вәты, муй арат хуят эвәлт ләтут-пурмас вүты рәхл. Монголат вәлум йисн мүвәт па хәннекәйт иши нух хәншийләсийт, ләлн рүш мүв эвәлт ләтут па пурмас вүты. XV-XVII-мит йисн писцовай нәмуп киникайт есалсыйт, щата хәншман вәс, муй арат крестьянат па вошан мир ёш вой па ощ тайләт. XVIII-XIX-митн государственной ревизия вәр верты питсы, щи пурайн вүх па пурмас сухуптәттә хуята хә ёх лүнгәссәт. XIX-мит па XX-мит йис олдәлтум артән земской статистика вәр тывас, щи артән хә па не рәпатнекат, лыв мүвләд па ёш войдал нух хәншийләсийт. Мүв па вой нух хәншты перепись Российской империян 1916-1917-мит однәннән вәрсә. Елды щимаш вәр советской лаш питум пурайн 1920-мит одн дәштәйләс. Тәм йисн Всероссийской сельскохозяйственной перепись 2006-мит одн вәс.

Реональда
ОЛЬЗИНА

Яснэв па йис щирлүв давалдлув

Ас нопатты тылдыш хэхтэй хэдэн ёмвоши шуши мир яснэв па культура давалдлы щира научно-координационной совет мирхот вэс. Округ кэща дэнкэр хэ Алексей Шипилов щи мирхот тэс. Муйсэр вэн верэт одана щата путартгы, округ 22 воши муй кэртэн мир видео щирн вантсайт па лыв күтэлн мосты нүшайт түнматман путрэмсайт.

Мирхотн уша йис, хуты шуши мир йис емэнхэтл «Пүпи як» интэм мосл давалдлы па нух алумты. «Культура» тэхи кэща нэ Елена Исламуратова ясн щирн, «Пүпи як» интэм «Реестр нематериального культурного наследия Югры» непека хэншман вэл. Щи емэнхэтл вет хэтл мэр постады, щата 300-кэм ар, як, лүнчлуп мира ванлтэлти. Мүн округевн тэм ванан мойпэр як Русскинская воши вэс. Шуши мир учёной Татьяна Волдинна Светлана Поповайн хэншум непек посн путартас, хутыса Сүмэцовош районэн щи емэнхэтл верды. Щата ар пүш «Мань ускве» рүтүштэй тэхийн щи поры верантсы. Сыры олдтн пүпи пухие якты хот вантуум ай няврэмт ин вэна йисэйт па щи поры верантты нётдэлт. Тэм дүнэн лыв нумас тайлдэлт па щи щата йис поры верты.

Касум воши этно-культурной центр хот



Варьёган кэрт няврэмт рэт яснца вэнлтэлыйт

тэхийн рэпитты нэ Елена Федотова ясндал эвэлт уша йис, хуты интэм мүн округевн тэп хэлум-нял хэннэхэ пүпи пухие емэнхэтл тэты шир тайлдэлт. Ин щи йис вер нух алумты па давалдлы мосл. Касум воши няврэмт щи вера вэнлтэлыйт, мёнум одн «Театр берестяных масок» вэрсы, хута пушхиет пүпи якты хот эвэлт ушхуль утэлт ванлтэлдэлт. Тэм ол Ас хэлти тылдыш вүш эвэлт щата шуши мирят этноакадемия вэнлтупсы пүншсы. Хэнты хэйнэн Андрей Ерныхов па Николай Тасьманов няврэмт ариты, лүнчлупт ванлтэлти вэнлтэлдэн. Щит верды, дэлн энмум пушхиет шуши мир йис верэт уши ат тайсайт.

Округ дума депутат Надежда Алексеева мирхотн лупас, хуты «Пүпи якты хот» шуши мир паты мэт вудан йис вэр. Щит яма давалдлы мосл. «Ан давалдлэвши, елды культуры

вотшалдэв», – лупас депутат.

Югорской университет шуши мир айдат ёх пила рэпитты нэ Диана Герасимова ясн щирн, лүн мэр рүтүштэй тэхетн айдат хэнты па вухаль няврэмт «Пүпи якты хот» верэта вэнлтэлти мосл.

Елды мирхот ёх постасайт, экспертной совет лэштэлти мосл, дэлн щи ёх ат пириасайт, хуйтат пүпи пухие якты хот тэты питдэлт.

Щи юнийн ёктэшум мир шуши мир яснэта, литературая па культура верэта вэнлтэлти щира верум концепция непек одана путартас. Вэнлтэлти па айдат ёх верэт тэты департаментэн рэпитты нэ Ирина Лисютина юхтум хутятаа путартас, муй вэрсы шуши мир яснэв па давалдлы щира. Аршак няврэм хэнты па вухаль яснэнэн касупсын касты питас. Мосл лупты, Югра мүвевн 41 хута няврэмт хэнты па вухаль яснэнэнна вэнлтэл. Лыв кашэн од рэпатаел пелы елды вэнлтэйлдэлт.

Мирхотн уша паватсум, Сөрханд районэн хэнты яснца вэнлтэлти ёх шимэл, айдат эвет

па пухат университет етшуптэл юнийн рэт кэртэн рэпитты ён дэнхадайт. Диана Герасимова ясндал щирн, хэн хэнты няврэм университета вэнлтэлти мэнл, дүв рэт яснца вэнлтэлти факультет ён пирийл, щи юкана па тэхийн вэнлтэйл. Луплат, хуты щит етшуптэл юнийн рэпата кэншты даварт питд. Диана Васильевна лупл, хуты айдат ёх па вэнлтэлти вэрэт департамент ёха мосл шуши мир няврэмт па вэнлтэлти ёх пила яма рэпитты, дэлн лыв рэт ясн сямэн па мосман ат тайсайт. Щалта дүв лупас, хуты ёмвоши ёшколайтэн хэнты па вухаль няврэмт иши рэт яснца вэнлтэлти мосл.

«Лыдэн союм» тэхи кэща нэ Татьяна Вадичупова яснэв щирн, ёмвоши рэт яснца вэнлтэлти хута ёнтэл. Сыры ёмвоши 3-мит ёшколайн па гимназийн няврэмт рэт яснца вэнлтэлти дэнхасайт, тэп вэнлтэлти хута ёнтэл. Ешавэл Югорской государственной университет шуши няврэмт рэт яснца вэнлтэлти питдэлт.

Хэнты па вухаль газетайнэн кэща нэ Раиса Решетникова мирхотн лупас йилуп хэнты алфавит одэнэн. Дүв ясндал щирн, мосл хэнты кэртэнти па вонштн мир пила яма рэпитты, кашэн тылдыш и пүш йилуп алфавит щирн «Информационный вестник» нэмпийн айкелэт дэштэйти па кашэн кэртэ муй воша китти, мир ат лүнчлэлт. Щи юнийн тэп лывайт ёкэтти па йилуп алфавит одэнэн иныштэйти.

Надежда Новьюхова хэншас па хур вэрэс

ВЭЯТН ЩИ ОДАНАН

2011-мит ол Ас нопатты тылдыш 13-митн округ кэща нэ Н.В. Комарова поступсы вэрэс, хуты шуши мир яснэв па культура давалдлы щира Научно-координационной совет рэпитты питд. Щи советэн рэпитты ёх ин вэнты 11 мирхот вэрсайт.



Т.А. Молданов няврәмәт пида тунты венш пүпие якты вәрәт ванлтад



З.Н. Лозямова мойң мира ванлтад, муй ширн шәмәх вәрты мосл

Ратхар пүңдән ат

Мүйтэл мирәт йис пурмәсәт әкәтты па шавиты хотат емәнхәтәл пәты Ас нопатты тылдаш 20-мит хәтәлән Ёмвошн «Торум Маа» тәхийн «Ратхар пүңдән ат» немпи вәйтантупсы мәнәс.

Арәң-яқаң хәр па вәрәң ванлтупсы «Югорская Долина» рүтүшәтә тәхи пүңдән ләщәтсә. Хәт щос кәмн тата вәнлата юум ёх, увас мир поэтат па писателят, айлатхүяттәт, няврәмәт па ѣл вошән мир әктәшсәт.

«Торум Маа» хотн рәпитеттә ёх мойңа юхтум хүята шуши мир юнтуттәт ванлтасат, юх эвәлт пурмәсәт вәрты вәнлтасат. Вәна пелка юум хәнты ими Зоя Никифоровна Лозямова ванлтас, хутыса хүл ваньшты мосл па муй

ширн шәмәх вәрты рәхл. Шәлтә Ѣи хүл эвәлт еплән хошум йинк кавартсә. Шитумпийн хәнты кәрн няньверсы па вүлдә кәлдә эвәлт палум ай няниет шаритсыйт.

Якты хәрн мойң мир ешалт Ёмвошн вәлтә па айлат ёх лүңтарәт лүңтасат. Шит Антон Нахрачев, Алла Иштимирова-Посохова, Сергей Ремизов, Анатолий Брусницын, Ульяна Данило па Виктор Банк. Вән хүяттәт эвәлт Евдокия Нёмысова, Павел Черкашин, Аль-

бина Мехнина па па хүяттәт.

Ши тумпийн кашән хәннөхә вәритац увас мир дәмәтсүх дәмәттә па Ѣи утн хур вүты. Шуши мир учёной ики Тимофей Молданов хәнты пухиет пида мойң мира өмәш тунты венш пүпие якты вәрәт ванлтас.

Яң щос кемн әктәшүм мир епләң хүл хошум йинкән, каврум па шариттәт няньн дапатсыйт.

**Ирина САМСОНОВА
хур вүс па хәншәс**

Йилуп киникайт ванлтасыйт

Ас нопатты тылдаш 25-26-мит хәтәләнән Югра мүв лүңтәтти хотн «Югорика - 2016» немпи VII-мит лүңтупсы мәнәс.

Тыв Ёмвош, Когалым, Сәрханл, Нягань, Югорск, Нефтеюганск, Тюмень, Екатеринбург вошат, Советской па Манстэр районнән эвәлт вәнлтәтә вәрәт тәтә тәхет, киникайт лүңтәтти хотат, йис пурмәсәт әкәтты тәхет, университеттәт, ис-кусства вәра вәнлтәтә ўшколайт, киникайт, непекәт єсалты тәхет, Югра мүв оса вәрәт тәтә департамент, округев хүваттыйн йис па йилпа

етти непекәт шавиман тайты хот, писателят тәхи, Ас-угорской институт па па тәхет эвәлт мир юхтыләс. Кашән тәхи йилпа ётум киникайдал, журналдал па арсыр непекләд одәнән айкел тәсәт па Ѣи утдал ванлтасат. Ияха лүңтәтти ки, 400 мултас киника, мәта ут 2014-2016-мит одәтн єсалды.

Тәм киникайт күтн вет номинация ширн кәсупсы ләштәтсә.

Шит мәт ям округев одәнән киника, мәт ям художественной непек, мәт ям вәнлтәтә вәр одәнән непек, мәт ям няврәмәт пәты киника па мәт ям электронной непек.

Мәнәма «Питы вухсәр одәнән моньщ» (рүш ширн «Сказ о Чёрном Лисе») немпи киника одәнән өмәш вәс хәләнттә па вантты. Тәм непек Сәрханл киникайт лүңтәтти хотн рәпитеттә ёх вәрсәт. Киника юх, сух, пун, кев па хир сух эвәлт пәл па сәм мәш тайты пушхат пәты ёнтсы. Кәши-мәш тайты

няврәмәт пәты Ѣи шенк мосты ут. Вантә, киника хүват увас мир вәлупсы одәнән уша паваттәт рәхл.

Ас-угорской институт киникайт лүңтәтти тәхийн рәпитеттә хәнты ими Е.П. Степанова шуши мир непекәт одәнән айкел тәс па ванлтас, муйсәр киникайт дыв тәм ванән єсалсәт.

Тәм лүңтупсы Югра мүв киникайт лүңтәтти тәхи, округевн культура вәрәттәтә департамент па Югра мүв оса вәрәт тәтә департамент тәхи ёх унтас дәштәтсә.

Ирина ПОСЛОВСКАЯ

Полнават ёх айкелдат

Полноватские вести.



Поднават ёшколайн вәнлтыйлты нявшемт А.Е. Вахат пидиа

И. Самсонова / verum.kz

Иван Фёдорович Пермяков нөмүп ёшкола

**Ма Полнават
кәрт ёшколайын
вәнлтыйлдум. 1954-
мит ол вүш эвәлт
1977-мит ол вәнты
кәщая тата Иван
Фёдорович Пермяков
вәс. Лўв ар ёр пунас,
дән мүң ёшколаев
мет ям ат вәс. Щит
пәты интам мүң
ёшколаев лўв нө-
мәдн пунсы. Тамхатл
ёшкола кәщая
Алексей Григорьевич
Лузянин вәл.**

Поднават ёшколайын 176
нявшемт вәнлтыйл. Мүң
дәхсәң па сиың айдат ёх.
Нявшемт вәнлтыйл хуятаат

мүңев арсыр мосты верәта
вәнлтайдат, лыв иса пурайн
мүңева нётдат, путтартдат,
муй щирн тум муй тәм вәр
дәшттый мосл.

Рүш ясәң тумпийн
мүң ёшколаеви нявшемт
хәнты, английской па не-
мецкой яснәта вәнлтайдат.

Школа имени Ивана Фёдоровича Пермякова

Я учусь в школе села
Полноват. С 1954 по
1977 года директором
нашей школы был Иван
Федорович Пермяков. Он
очень многое сделал для

развития школы. Теперь
наша школа носит его
имя. На сегодняшний
день директором является
Алексей Григорьевич
Лузянин.

В школе 176 учеников,
все мы очень дружные
и шумные. Учителя нам
дают много полезных
знаний, помогают, хорошо
объясняют и понимают нас
во всём.

Кроме русского языка в
нашей школе преподают
хантыйский, английский
и немецкий языки.

Карина
БЕССОНОВА

8
Вәнлтыйл ненев
Анастасия
Евгеньевна
Вахат (Себурова)
одәнән

О моей
учительнице
Анастасии
Евгеньевне Вахат
(Себуровой)

9
Ма щащем
– Альбина
Матвеевна
Фирсова

Моя бабушка
по отцовской
линии – Альбина
Матвеевна
Фирсова

10

**Ма
Түкъякәң
кәртән
вәлдум**

Я живу в
Тугиянах

Мүн - хантэт

**Ханты – щит йис пура вүш эвэлт Югра мүвн
вэлтүү мир. Лыввой-хүд ведлэслуман, вүлэлт
лавалман вэсэйт.**

Ма рэт ёхдам Ас юхан хончан вэсэйт, ар хүд ведлэслэсэйт. Анкаакем, анщащем вэнтэн арсыр вонышумутайт ёкэтсэйт, щадта анкаакем еплэн вонышумутайт нянь вэрэс. Щи тумпийн хурэмэн ернаасэйт, ухшамайт, вүлэлт сух эвэлт сэх, пуркайт па топрат ёнтсэйт.

Лестутайт лупасн тайсэйт. Вүлсөн ёх емэнхэцтэй пурайн ёхэл шэпи навартсэйт, тынчан ёвэлсэйт, нюл есалсэйт. Тамхэцтэй вэнтэн ханты мир йис вэрт яма вэдэйт.

Увас мир паты мет еплэн

дэстут – щит потум хүл, хошум йицк, нюхи па вонышумут.

Мы – ханты

Ханты – это коренные жители Югры. Они занимались рыболовством, охотой, оленеводством.

Мои предки жили на берегу реки Обь, ловили рыбу, добывали зверя. Дедушка и бабушка ходили в лес по ягоды, а потом бабушка готовила вкусные пироги. Шили платья, платки, из шкуры оленя изготавливали малицы, кисы.



Ханты нечтэй па эвет арилдайт

Ханты хранили еду в лабазах. Во время оленевых гонок не только соревновались в езде на упряжках, но и прыгали через нарты, закидывали аркан на хорей, стреляли из лука. Ханты и сейчас поддерживают все свои обычаи и традиции.

Любимое еда северных народов – строганина, уха, мясо и ягоды.

Алёна
АЛФЁРОВА

Вэнлтаты нецев

**Мүн ханты ясэн
вэнлтаты нецев Анастасия
Евгеньевна Вахат, ашэл
опрэш нэмд Себурова.**

Анастасия Евгеньевна айдат па хурасан неение. Лув 30 ода тэп йис. Лув урокдлэл өмштэй па нумсэнтэй. Кашан урок Анастасия Евгеньевна арсыр ширн лэштэйтэй. Тата мүн дүнгэлтэй, ханшлэй, сыр-сыр өмштэй па нумсан ребусыт па кроссвордтэй дэштэйтэй. Увас мир оданчан кинайт вантлэй, щи тумпийн финно-угорской ёхлэй оданчан иши уша паватлэй.



А.Е. Вахат
Вэнлтаты нецев мүн шенк
мосман тайлдвэй.

Наша учительница

Нашу учительницу по хантыскому языку зовут Анастасия Евгеньевна Вахат (Себурова). Анастасия Евгеньевна молодая и очень красивая. Ей 30 лет. Нам очень интересны её уроки. Она творчески подходит к преподаванию родного языка и литературы. На уроках мы читаем, учим слова, придумываем кроссворды, ребусы, смотрим фильмы и видеосюжеты о коренных народах Севера, а также о наших финно-угорских родственных народах.

Мы очень любим нашу учительницу.

Учащиеся Полноватской школы

Анкем олдан

**Ма анкем нэмд Светлана Даниловна Осауленко,
ашэл опрэш нэмд Пендахова. Анкем – ханты не.
Лув ар нявшемэн хоттел ёхн сема питэй.**

Поднавайт ёшколайн вэнлтатылдэй. Щи юпийн Тюмень воши телеграфиста рэпитэй. Щадта рэт керта керлэй па тэм хатл вэнтэн ай нявшемэн пида яслихотн рэпитэй.

Анкем увас мир хурамайт вэрты тэхия янхэй. Щадта лув па ханты имет пида ёнтэй, тыйд па сэх эвэлт арсыр уттайт вэрл. Щи тумпийн анкем ханты мир якайт яма якты хошд па увас

ёхардтариийл. Лувела шенк өмштэй ханты дэмтсухн янхтэй.

Моя мама

Мою маму зовут Светлана Даниловна Осауленко, девичья фамилия Пендахова. По национальности она ханты. Мама родилась в многодетной семье.

Училась в Полноватской школе. Несколько лет проработала телеграфистом в городе Тюмень. Затем возвратилась в родное село Полноват, где по настоящее время работает в детском саду.

Мама посещает кружки национального творчества. Там она занимается вязанием, шитьем, бисероплетением. Также она танцует под хантыские песни, поёт на языке ханты. Мама носит традиционную одежду наших народов.

Лариса ОСАУЛЕНКО



С.Д. Осауленко

Ма ёнкем

Ма ёнкем Надежда Алексеевна Гришкина. Лўв 1973-мит одн вен кер тылдай 13-мит хаталы вой-хўл па вўды лавалты хоттел ёхн сема питас.

Айтелн ёнкем ёнтасты, сак кэрртты па тунты эвайл арсыр пурмасат верты хошл. Щи тумпийн якты па ариты вер самайна тайл. Интам лўв Тўкъякан кэрт кўлупн кёша ненча рэпита.

Анкем ар вер тайл. Репата тумпийн дўв хот войт енмалтайд. Анкем мунев иса пурайн венлтайд, муй щирн ханты мир вэл. Ма ашщем ёнкем эвайл ариты па якты вер яма венлтас. Лўв арсыр емайхатлайд, якты хардат мир ешталт арийл па якал. Щи тумпийн кэртайн, вошан касупсэта янхал па щата 2-3-мит тахет холумтайд.



Н.А. Гришкина

Моя мама

Моя мама Надежда Алексеевна Гришкина родилась 13 апреля 1973 года в семье оленевода-охотника. Сдетства она уже умела вязать, шить, плести из бисера, работать с берестой. Выступала с другими детьми на концертах в разных деревнях.

Мама и сейчас хорошо поёт. В настоящее время она работает директором клуба

в деревне Тугияны. Кроме этого, она разводит домашних животных. Несмотря на то, что наша мама очень занята, она всегда находит время, чтобы позаниматься с нами и научить тому, что знает сама.

Благодаря маме моя младшая сестра танцует и поёт на концертах, участвует в поселковых, районных и городских конкурсах, где занимает 2-3 места.

Маша ГРИШКИНА

Щащем оләңдан



А.М. Фирсова

Ма щащем немл Альбина Матвеевна Фирсова. Лўв 1949-мит одн тэндуп тылдай 17-мит хаталы Полнават кэртайн сема питас. Ашел – Матвей Кузьмич па ёнкел – Дарья Васильевна Туполевцан вэлупсы хўват Полнават кэртайн вэснан.

1967-мит одн щащем ўшкола етшуптас, щалта 1971-митин – Миасской геологоразведочной таҳи. Щи юпийн 1972-мит одн лўв икия мэнас. Еша вэс айдат хоттел ёхн Сергей пухие сема питас. Вёна пелка ювум щащем хўвин хидэт вўша йис. Лўв хилднениел 1995-мит одн сема питас.

Сырыя Альбина Матвеевна Кемерово воши гидрогеолога рэпитас. Щалта 1977-мит одн лыпта рэт Полнават мўвала керлас.

Тата 2004-мит одненты кэртайн кёша хотн секретаря, ёхат специалиста рэпитас.

Щащем иса пурайн оса рэпата тўвман вэс, лўв ипуша культура хота ариты па якты янхас. Щалта лыв арсыр емайхатлата, вэйтантупсэта Сўмайтвоша, Ёмвоша па па тахета вохийлди.

Моя бабушка

Мою бабушку по отцовской линии зовут Альбина Матвеевна Фирсова. Родилась она 17 февраля 1949 года в селе Полноват. Её родители Матвей Кузьмич и Дарья Васильевна Туполевы, всю свою жизнь прожили в селе Полноват.

В 1967 году молодая Альбина окончила Полноватскую среднюю школу, в 1971 – Миасский геологоразведочный техникум.

Спустя год в 1972 году бабушка вышла замуж, а в 1973 году в молодой семье родился сын Сергей. Сегодня есть и внучка 1995 года рождения.

Альбина Матвеевна работала в городе Кемерово по специальности гидрогеолог.

В сентябре 1977 года переехала обратно в Полноват и до выхода на пенсию (2004г.) работала в администрации сельского поселения секретарем сельского совета, а затем специалистом.


Много занималась общественной работой, принимала активное участие в фольклорных ансамблях при Доме культуры, ездила на различные фестивали в Берёзово, Ханты-Мансийск и другие города.

Светлана ТУПОЛЕВА

Ма хоттед ёхдам

Мүн хоттеди хэдум эви, ёнкни па аши вэлдат. Ашем ханты хэ, щит паты мүн иши хантэт.

Ашем вой-хўл вел-пэслаты вер самайна тайл. Итэх пурайн ма лўв пидала вэнта янхдум. Мэнема шенк эмайш юхат, войт педа вантты. Лўнан мён воньшумут патулхакатты янхлув. Мэнема мастьал вурты воньшумут, шемши, хумасвэл ёккти. Арсыр тулхакатты вэр иши эмайш.



Ксения Юхлымова

Моя семья

Нас в семье три сестры, мама и папа. Мой папа по национальности ханты, поэтому я и мои сестры тоже ханты. Папа в свободное время любит ездить на охоту и рыбалку. Иногда он берёт меня с собой. Мне очень нравится ездить вместе с ним. Когда мы едем на лодке или «буране», я обращаю внимание на природу и животных, птиц. А летом мы ездим всей семьей по ягоды и грибы. Мне очень нравится собирать бруснику, клюкву, смородину, а из грибов: подберёзовики, волнишки, боровички, сыроеожки.

Ксюша ЮХЛЫМОВА

Ма кэртыем

*Ма Түкъякäн кэртäн вэлдум. Кэртэм репäн
Ас юхан хонäцан омäсл. Тäта Себуроват па
Гришкинät рэт ёх вэлдат. Гришкинät – щит Пор ёх,
Себуроват – Мош ёха альшалыйт.*

Икет – вой-хўл вел-
пäслуман вэлдат, имет –
арсыр ләмәтсухат па
хурамат ёнтлät.

Кэртэвн йис емäц-
хätлät лэштäлыйт: Вурна
хätл, Тылäщ поры, Иинк
вэрт хätл па Пүпи яхот.

Түкъякäн кэртäн
пельница, күлуп па тут
хэритты хот вэл. Ашко-
ла ѣнтäm, щит пäты ня-
рэмät Полнават кэртäн
вэнлтäйлдат.

Кэртыевн ар йис верäт
яма вэты хуятäт вэлдат.
Щит Надежда Алексеевна
Гришкина, Анна Матвеевна
Себурова па па ёх. Лыв ар-
сыр ханты мир ләмәтсухат
ёнтлät, тылдат па аканят
вердат.

Кашан хätл мүн кэртэвн
хураман, лўнан – вусты
юхат, юхан, тайл purain –
хураман доныщан юхат
вантты räxl. Вэнтäн
воньшумутат, тулхат
енумдат. Арсыр вэнт войт
па тухлän войт янхдат:
вухсарат, шоврат, даңкет,
нююсат, пойтэкат, лўккат па
войт.

Түкъякäн мир хот войт
тайлдат: мисат, доват,
ампят, шоврат.

Тäm ванан кэртэвн 220

олайис. Тäm вэнемäнхätла
соткем мир ёктäшäc. Щит
Нуви санхум район эвэлт
па па вошат эвэлт юхтум
хуятät.

Манема шенк ям
Түкъякäн. Тäta ху-
раман па дащкам. Кашан
лўн рўтшаты purain ма-
рэт кэртыемн вэлдум.
Нэмäслум, хэнты purain
кэртыев вэнан йил, ар мир
тäta вэлты питл, йидуп
хотят омäсты питлыйт.

Моя деревенька

Тугияны – моя родина.
Тугияны – маленькая национальная деревня, которая расположена на горном берегу Оби. Здесь проживает народ ханты из рода Себуровых и Гришкиных. Гришкины относятся к фратрии Пор, а Себуровы к фратрии Мош.

Основное занятие мужчин – охота и рыболовство, женщин – рукоделие и фольклор.

Также в деревне отмечаются национальные



Пүва пелäкн Александр Ользин

Р. Ользина, верумхур

праздники: вороний день, обряд угощения луны, день трясогузки, медведь игрища.

В Тугиянах есть пожарная часть, клуб, больница. Так как в деревне нет школы, дети учатся в пришкольном интернате села Полноват.

В деревне очень много мастеров: Надежда Алексеевна Гришкина, Анна Матвеевна Себурова и другие. Они шьют национальную одежду, вяжут, делают куколки акань и многое другое.

Каждый день в нашей деревне прекрасен: летом – зеленые леса, речка, зимой – деревья, покрытые снегом. Всю эту красоту можно увидеть в любое время года. Лес богат ягодами и грибами.

Нуиконечно, здесь водятся звери и птицы: соболи, куропатки, лисицы, куницы, глухари и многие другие.

Тугиянцы держат домашних животных: лошадей, коров, собак, кроликов, хомяков.

Недавно нашей деревне исполнилось 220 лет. На праздник собралось около ста человек, это жители Белоярского района и гости из других городов.

Мне очень нравится в Тугиянах. Здесь красиво, уютно. Каждое лето провожу в деревне. Надеюсь, в будущем здесь увеличится количество жителей, построят новые дома.

Анастасия
ГРИШКИНА

Паштар кэртыем

*Паштар кэртыем Югра мүв Нуви санхум
район Ас юхан пүнäлн омäсл. Кэртэвн
пельница, лапка, күлуп, нуви тут мäты тäхи,
тут хэритты хот иши вэл.*

Паштарн 35-40 хот омäсл. Щата 87 хяннехэ вэл. Хэйт хўл па вой вэлдат. Ненiet хураман ләмәтсухат ёнтлät па тайлдат.

Ар пелäк мир хот войт: ловат, мисат, ампят, шоврат тайлдат.

Кэртэвн сыр-сыр емäнхätдат вэрантыйт: Вурна хätл, Тылäщ поры па Вой вэлты хэ хätл.

Тухлän хопн муй хопн па буранан мүн хушева мäнтыки, имухты хураман мүвөвийнкев шивалдаты räxl.

Паштар кэрт рўтшаты пäты мет ям тäхи. Тäta шенк эмäш вэлты.

Пашторы

Пашторы – деревня, которая находится в Белоярском районе Ханты-

Мансийского автономного округа – Югры на берегу реки Обь.

В деревне есть больница, магазин, клуб, электростанция и даже есть пожарная часть. Пашторы состоят из 354 дворов. Численность населения 87 человек.

Мужчинам нравитсяходить на охоту, рыбалку, косить сено лошадям, коровам. Женщины вяжут, шьют, вышивают.

В Пашторах многие разводят домашних животных: лошадей,

коров, кроликов, собак.

В нашей деревне проводятся различные праздники: День охотника, День рыбака, Вороний день и другие.

Если лететь к нам на вертолете или ехать на лодке, буране, то можно увидеть леса, реки, озёра. У нас очень красивая природа.

Деревня Пашторы – хорошее место для отдыха, там весело и интересно.

Анжела
ЛЕЛЬХОВА

Тынан̄ пираш̄ хуялдам...

**Тәмхәтд ма аңкаңкем па
аңщащем оләңән путәр хәншты
ләйхалум.**

Аңкаңкем нәмл Нина Кирилловна Молданова. Ләүв Хур күтуп кәртән 1931-мит одн сәма питәс. Айлат олдал ла-вәрт вәсәт. Хән яң тәла йис Вудаң ладъ тывәс. Па ищимәш эвет па пухат пида атл-хәтд мәр рәпитетсәт. Аңкаңкем юх сәвәрты, хүлвәлпәсләтә яңхас па па арсыр ла-вәрт рәпетайн рәпитетсәт. Өхәт пенсия мәнты вәнты кәртән мир пәта нянь вәрман вәс. Ләүв «Труженик тыла» па «Ветерантруда» нәмән тәйс.

Аңщащем Илья Константинович Молданов Ваньшават кәртән сәма питәс. Щата ләүв аңкаңкем пида вәйтантәс па щата лын елды вәлты питсәнән. Лын ияха ветъян тәл еша ўн вәсән, яртъян няврәм тайлсәнән.

Ма дынан тәп ям па хошум щирн нәмәлдмийләдам па иса нәмты питләдам. Кашан̄ хилә муй хилдән пираш̄ хуялдал оләңән тәп ям щирн нәмәсл. Ма дынана вән пәмәшипа ясән луплум, хуты лын щимәш нявлак па вешкат хуялдан вәсән.

Лын мәнәм арсыр ям вәрата вәнлтәсңән, хуты хоттел ёхлән па па хуял пида сәмәнца вәлты мосл. Лын хилылдал яма па түңцириәнә вәлты вәнлтәсңән. Хилылдан иса ям нумәсн нәмлыйт.

Ма аңщащем яма ўн нәмләм, худна ай вәсум, хән ләүв ўнтәма йис. Аңкаңкем ма пәтәма мет мосты па дутаң хәннехуята вәс. Ләүв мәнәмә ая вәлум пурайл оләңән ар пүш путәртыләс. Муйсәр лавәрт вәлупсыйн лыв вәсәт, ләллә-яңышлы, ишкى пурайн хүлвәлпәслуман, турн, түтүюх сәвәрман па па мосты рәпата вәрман колхосн рәпитетсәт. Хуты ая вәлмән рүштәт эвәлт хәньятылман шитама омассәт. Хуты шенк пәлән рохнемәтә сый эвәлт пәләт.

Нәмләм, хуты мин апщем пида ләүв пидэла пираш̄ ләйң имидал хуши яңхсүв. Щата шайн яңыштасыюв па путәрләдәл хәләнгесүв. Мәнәмә шенк мостас хәләнты, хәнләвхәнты ясәнән путәртсәт. Щит ма пәтәма нюр моньшиты вәс.



Илья Константинович па Нина Кирилловна Витя
пухан̄ пида.

Ин ма вәна йисум па нәмәслүм, хуты вәна пелка ювум ёхләв лавәрт па суртән пурайн вәсәт. Тәм йисин вәлты айлат хуялтата щи оләңән нәмты мосл. Мултты еша лавәртшәк вәр тывл ки, ух ил ёсәлтү ўн мосл па

тәс щирн щит ләштәттә рәхл. Мүңева вәлупсәв па хоттел ёхләв сәмәнца па мосман тайты мосл.

**Мария ВАХ, ЮГУ
хуши вәнлтыйләтә эви
Хәнты ясәнца тулмаштәс
Надежда ИЛЬИНА**

Няврәмәт хәншум моньштәт киникайн ётсәт

Увас мүв, Сибирь па Дальний Восток шуши мир Ассоциация ёх 2015-мит одн няврәмәт пәта араң-моньштән пүтәрт хәншты кәсупсы верәнтәт. Щи кәсупсыя 53 няврәм арсыр мүвәт эвәлт хәншум пүтәр китсәт. Щи китум пүтәрт эвәлт 19 хәншум ут пирисы, щит моньштәт, йис пүтәрт па ўл пүтрыет.

Тәм од вән көр тылашын «Волшебные сказки детства»

киника рәт яснәти ёсәлсү. Па кашан̄ хәншум пүтәр рүш, английской па японской яснәта тулмаштасы. Щи киникайн 244 лопас, 19 пүтәр, 119 арат хәншум хур па няврәмәт хурәт вәрман вәлләт. Ёмвош эвәлт щив Артур Данило стихотворения китылдас.

**Светлана КАШЕЙКИНА
Хәнты ясәнца тулмаштәс
Надежда ВАХ**



Рэт дөрэл 1870-мит ол вүш эвэлт йил

**Тэмхэтд ма
лэнхалум и нө
оданын хэншты. Лув
пидала ма Урай воши
вэтээнд йисум. Нэмд
Вера Афанасьевна
Бельмесова.**

Лув рэт дөрэл оданын
путартты олдитсэлэ:

- Ма Конда юхан
вухаль йис Чейметов
рэт эвэлт. Рэт дөрөм
неспека хэншты питсум,
щит 1870-мит ол вүш
эвэлт йил. Данил
шатшашем хэлум
пух тайс: Афанасий,
Герасим па Василий.
Афанасий ащем 1902-
мит одн Евра кэртэн
сёма питмал. Вухаль мир
моныц хэншты нө Анна
Конькова - мүн рэтэв.
Ащем ёнкилы-ашилды
хашаас, удет өнумсайт.
Лув хулна айлат хэя вэс,
хэн Гражданской дальн
лалясайт. Кэт пүшиимицы
хашилдайт. Ма ёнкем-щит
хэлдмит имел, лув рүш
нс. Ащем 1941-мит одн
Будан Отечественной
даля майнэс, 1943-мит
одн мэшмайды па юхи
китсы. Лув Свердловской
область Волчанка кэрт
эвэлт юхи кэрдэс, щата
ёнкем пила вэтаны йис.
Вэлупсэл мэр ёнкем
вухаль ясан уша вэрты
питаас.

Чейметоват хотн
нял няврем сёма питас.
Афанасий Данилович
вой-хүл ведпэслуман
вэс. Колхоз вэрум пурайн
лув щив лунты ан питас,



В. Бельмесова миом хур
А.Д. Чейметов

Нум Бараки кэрт пүнчлн
вэнт вантты хэя рэпитаас.
Тата Вера Афанасьевна
сёма питас.

Половинка кэртэн
леспромхоз вэрум пу-
райн рэпитты ёх ён тэр-
мас, щирн Афанасий
Данилович хоттэл
хуятдал пила щив
касэлты партсы. Щата
лыв патэлэ хот омассы,
щит хулна А.Н. Хомяков
нэмпий Учинской музей
пүнчлн доль. А.Д.
Чейметов леспромхоз
паты вой-хүл ведпэслэс.

Вера Афанасьевна лу-
пас, ащел даалт оданын ан
путартас, тэп щи пурайн
тарма далясмал паты
холумтум мевл послал
давалман тайс. Ащел 63
ода вэс, 1965-мит одн
янтэма йис.

В.А. Бельмесова еша
вухаль мир учёной



В.А. Бельмесова пиднесэл
пила «Возрождение» күлүн

Л. Спирикова/ХУРВС

нэ Евдокия Кузакова
оданын путартас, лув,
вантэ, иши Евра кэрт
эвэлт: «Лув хурасан,
нумсай нене вэс. Шенк
рэпатаин нө, Конда юхан
хонайсан вэлты вухаль
рэтиясчлама мувалпэлдэс
самын вэс, щит паты
вэн научной рэпата
хэншас».

Вера 8 класс етшуп-
тумал юпийн Ёмвоши
медучилишайн вэнл-
тыдайт. Щи юпийн Урай
воши «Скорая помощь»
хущаайтохтуарэпитаас.
Тэм воши айлат нө
икеца йис, нял няврем
енмалтас. Лув нэмлэлэ:
«Урай воши пүнчлн мув
илли питы вуй вэйтсы,
щирн тыв арсыр вошайт
эвэлт мир юхтыйдты
питас. Итэх пурайн ма
эвенчлам па пухчлам
мосты пурайн хатл мэр

тэйты нявремт хота
яяхты ан вэритсэйт. Тэп
хэн щата ай тохтура
рэпитты питсум велши
щив нявремдам вүсийт.
Ин дыв вэна йисэйт, ма
вет хилы тайлум».

Вера Афанасьевна
нявремдад рэт мир
культура па ясай да-
вэлман тэйты вэнлтэс.
Лыв вэн вухаль рэтдал
пила дэхсэндэ вэлдэйт.

Лавэрт 1990-мит
олдти хатл мэр няврем-
тэйты хоттэл лэп тэ-
хэртсийт, щирн В.А.
Бельмесова рэпатаильн
хашаас. Елды па тэм пур
вэнты хэс мулгас од «Дом
ребёнка» хотт ай тохтура
рэпитл. «Шенк давэрт
рэпата, вантэ, тата вэра
мэшай пушхиет вэлдэйт.
Ма нэмэслум, ешавэл
рүтэштэй мэнти, вантэ,
2013-мит одн хэтъян
тала йисум», – лувас
Вера Афанасьевна.

Щи давэрт рэпата
эвэлт еша рүтэштэй
паты лув «Возрождение»
нэмпий тэхийн яяхты
питас. Тата имет пила
стихай лүнхтэйти ети хоттэй,
Конда юхан вухаль мир
емэнхэтлэйт лэштэйт.

ВЭЯТН ЩИ ОДАНАН

Евра – щи нэм юхан хонайсан Кондинской районэн хэнты омсум кэрт,
щит Урай воши эвэлт 40 верста вүшн вэл. Тата щимэш вэтэн мир сёма
питас: вухаль мир монышт хэншты нө Анна Митрофановна Конькова,
кондинской вухаль ясан лерамтты учёнойнэн Александра Игнатьевна
Картина па Евдокия Александровна Кузакова. Будан Отечественной даалт
пурайн тэм кэрт эвэлт 42 хэ далясты мэнсайт. 1988-мит одн щи тэхийн
тэм солдатай нэмты паты кев хурас омассы.

Чейметоват – щит Конда юхан вухаль мир вэра катра рэт. Щит рэт
эвэлт вэтэн хэ вэл – щит Пантелеимон Чейметов – лув вухаль мир эвэлт
оданын дүнхтэйти киникайт хэншты питас.

Людмила
СПИРИКОВА

Увас мүвев хурасат сэмэна хэншалд

Шэншвоши тэса хурат хэншты хэ Анатолий Тимофеевич Проскуряков вэл. Лув 1959-мит одн Манстэр район Язовка кэртэн хүл велпэслэты хэнты хэ семьяйн сэма питэс.

Анатолий Тимофеевич айтэлн хур хэншты вер пэлы сэмэц вэс. Лув вудац ёх хурдал якэтман тайс. Хэн 35 ода йис – хурат хэншты питэс. Мэт одан хурл – «Хэнты кэрт», лув Шэншвоши музейн ин вэл. Щи хэ мүвэйт-автэт, рэт хэнты мир, лыв вэлупсэл па йис вэрдлэл одан хэншалд.

Анатолий Проскуря-

ков ин вэнты нэмлэлэ, лув 2013-мит одн Ёмвоша шуши мир хэншты хуятаат вэнлтупсыя вохсы. Щата лув ар ям вэр одан уша вэрэс.

Хурат хэншама н Анатолий Тимофеевич иса мира ванлтэл, муй-сэр хурамац мүн мүвев. Интэм лув ишти хурат хэншман вэл, Шэншвоши музей пэты хэншалд.



А. Проскуряков хэншум хур

Мүн лэнхалув лувела ям ясэн лупты, елды па ар ийлуп хурамац хур ат хэншалд.

**Елизавета ПРОСКУРЯКОВА
Хэнты ясана тулмащтэс
Надежда РАГИМОВА**

Харсaim кэртэн ёнмум ими



З.И. Гафурова

Н.Новьюхова/верум хур

Зоя Ивановна 1954-мит одн ай кэр тылдэш 21-мит хатлан Ямал мүв Приуральской район Харсaim кэртэн сэма питэс. Аңкел-ащел дапэт няврэм тайсан. Аңкел ан рэпитэс, юн няврэмтэй өнмэлтман вэс. Ащелвой па хүл велпэслуман вэс. Лув юх па лув эвэлт хурамац пурмасэт вэрэс. Щатющашел вүлдэ лавлэс, вүлдэ ташд пила тывелт тухедт касалман яңхас. Ин тэм вэнты Зоя Ивановна ай пурал олдал одан амэтман нэмэсийл, хэн лув щатющашел па щашел хуши нёрум мүва яңхас.

«Щатющашем мүвев лавлман па мосман тайс. Щи мүв иса пурайн хурамац, тэп лүнхэн щата шенк ар нямэлт па пирам. Тэдн вэн донышан хэрэлт, товийн Асэв вэна па хурамаца ийл, сүсн нёрмэлт ар вэн хумэсвэл хурамтлыйт. Щи одан нэмхэнты ёнт юрэмлум», – лупл Зоя Гафурова.

Зоя хоттел ёх хуши мэт вэн эвия вэс. Лув нэмлэлэ, юн иса хэнты мир йис емэн хэтлэт постасыйт, мосты пурайн поры вэрэнтсы. Лув 15 ода ювмалн ащел ёнтэма йис. Айлат эви нивэл класс етшупту-

мал юпийн нянь вэрты неца рэпитты питэс. Ашцэд щи пурайн хүл велпэслуман вэс. Аңкел иши колхоза рэпитты вүс. Вантэ, щи арат няврэм дапэтты па өнмэлтэй мосас. Зоя вэна йис, ар вүлдэн хэнты хэ лувел имия вохты юхтийдсэт. Тэп лув ан лэнхас, вантэ, вүлдяташн лавэрт вэлтэй, имета щата ар рэпитты мосл, летут кавартты тумпи дэмэгтсүх ёнтэсты, юрн хотн кэр алдяты, пушхиет өнмэлтэй.

Щиты тывас, Зоя Ивановна хатан хэя икия мэнэс. Однажды лын Ямал мүвн вэснэн, щата

кэт пух сэма питсэн. Щалта Югорск воша рэпитты вохсыйн, ин 37 ода йис щи пурал вүш эвэлт. Щата хэлдмит пухан сэма питэс. Ешавэл лув 34 ода йил.

Зоя Гафурова сыры мултты арат ол мэр хотомасти утэт лэштэты тайхийн рэпитэс. Щалта Игрийн вошн вэнлтэлдэс па Тюменьтрансгаз хуши рэпитты питэс. Хэс мултас ол рэпитмал юпийн рүтштэйт мэнэс.

Интэм тэм хэнты ими рүтшуман Югорск вошн арсыр шуши мир емэнхэтлэта яңхал, поры вэрты нётл. Итэх пурайн Зоя Ивановна ёшколая вохлы, щата няврэмтэй путэртэл, хутиса йис пурайн хэнтэй вэсэйт.

Пухдал иши рэт мир культура пэлы сэмэчтэй. Ямал мүва рүтштэйт яхтэлн лыв хэнты мир дэмэгтсүх дэмэгтэйт, хүл велпэслэты яңхэдтэй, воњшумутайт па тулхайт якэтдэйт. Зоя Ивановна лэнхал, лэнхилдэгэдэлийн хэнты ясэн па культура яма ат тайсэйт, лыв пилэдэх хэнты ясэн настайт. Надежда НОВЬЮХОВА

Анкела хэншүм арэл



Е. Каксина миомжур

М.Н. Тоголмазова

Вэн Вакат не ёнкие,
Тынайц, щурсац ёнкие
Второй ики уйлы хота,
Юрн ими уйлы хота
Өйтгэн ухпи кэт ям эвен
Мин вэлтэмн ин ям пята
Найн щи янхиелмен,
Найн щи вэлдииелмен.
Юрн хоп ими тарум щашием
Найн щи пакиелмен.
Второй ики ин вэн пух,
Юрн хоп ими ин вэн пух
Нумсэн Тимка ашием
Мирн щиты альшасы
Люв ар нумас тайю хэ,
Люв ар непек вэюю хэ
Второй ики нумсэн пух
Касум Сувет ин кэшэя
Ар од люв па рэпитэс.
Вэн Вакат не ёнкие
Муя лупла уйлы хот
Вэн пухиен шависен
Ая вэлум пуралн,
Ай Сережка тынайц пухен
Хэс кэт ода тэп ювантэс
Щитыен па вэтшасэн

*Любовь Тимофеевна Спиридонова (Тоголмазова) 1961-мит одн
Ас нопатты тылдэш хэлумъянмит хэтлэн Касум вош хуша сема
питэс. Вэна пелака ювмал артэн хэнты ясан педа сэмэнэй йис.
Хэн ёнкиел вэвшаслэ, щи юпийн хэнты ар яснэт хэнши питэс.
Ара хэншаслэ люв рэгдал олднэн: Второй ики щашиел,
Юран хоп ими щашиел, ашэл па ёнкиел олднэн. Ин тэм ёнкиел
пята хэншум ариел...*

Второй ики уйлы хот,
Юрн хоп ими уйлы хот
Лын щи тэхрыеедман,
Кэт пухиен ин юпийна
Ар шэк вантыйлмен.
Найн Вэн Микола вэн эви,
Найн Мевлас ими вэн эви,
Ар Вакатен вэн упи
Ар ям вэрлан ям пята
Мирн яма вўсийн,
Ар рэпата найн вэрэнтсэн,
Арсыр медаль найн па тайсан.
Найн ям нумсэн ин ям пята
Вэнла Тэрум Ашиенэн,
Пусал ов ики Акиенэн
Нивэл сот од щи вэсэн, хэлдэн,
Ям сурумна найн па щи мэнсэн.

Любовь Тимофеевна еша вэл
сема питум хэтлэл ванамэс, люв
и лупум ясндал:

— ёнки ки ёнтэйсум, хулща ма
вэсум, нуви Тэрумн хэн вэсум.
Ма ёнкем, Мария Николаевна
Тоголмазова (Вагатова), 1924-
мит одн йилуп тэл тылдэш
олднмит хэтлэн Ошолэн кэрт
хуша сема питэс. Ашиел Николай
Афанасьевич Вагатов, вэнт вой-
хэлд кэншман шир рэпитэс.
Ёнкиел нэмл Татьяна Андреев-
на Вагатова (Хорова) вэс. Ма
ёнкием мэт олднмит эвия вэс,
па люв юпелн лапэт ашии вэсэт.
Хэлум ашцел айн ёнтэма йисэт.
Ма ай педа хэлум вэртылам
яма нэмлэдам: Иван, Петр па
Григорий.

Ма ёнкием айтэдн рэпитты

питэс. Арсыр тэхийн рэпитылдэс,
мэт олдн тэхи, щит «Правда»
артель хуши. Щалта Хүлдор воша
китса, щата 1941-мит одн олдн
икия мэнэлдэс. Дасть однитса,
имухты икиел тэсы, юхи ёнт
юхтэс. Тэп ёнтэма ювум айл
юхтылдэс. Мэт даварт даль мэнум
мар иса арсыр рэпата верман мир
пида щи ешащэст. Рэпитэс, почта
тэтидюман янхас, тухдыман, вой-
хэлд ведман вэс. Щи вэлум воел-
хэлдэл нух лэштэлдэл па даль
мэнты тэхия щи китдайт. Дасть
сухнум юпийн 1948-мит одн ма
ащема Тимофей Григорьевича
Тоголмазова кимэт пүш икия
мэнэлдэс. Рэпитты мэнсэнэн Вут
воша, щирнашем щата кэшэя вэс.
Щалта паащем Касум суветкэшэя
вусы, тыв Касум воша вэлты
йиснэн. Тэп ашием сыршэйк
ёнтэма йис, няльяц нивэл ода
тэпювантэс. Щиты ёнкием па щи
атэлтхэшэс. Хув мэрэнкем вухсар
вош хуша рэпитэс, вухсара летут
верман. Пенсияя мэнмал юпийн
па хув мар сторожа рэпитэс.
Иса ветьяц вет од мултас щи
рэпитэс. Щи ар од яма рэпэйтмал
пята арсыр мойлупсэн мийлдэс.
Щит «За доблестный труд в годы
Великой Отечественной войны»,
«Ветеран труда» медальнэн па
па арсыр грамотайт. Щимаш ям
ёнкие ма щи тайсум.

Непек хэншас
Евдокия КАКСИНА

Сема питум хэтлэл пята вўща ясан!

Любовь Тимофеевна Ас
нопатты тылдэш хэлумъянмит
хэтлэн 55 одн йис.

Ин тэм «Хэнты ясан» непек
мухты нэнена мой вўща
ясан китлүв. Ешак, Любовь
Тимофеевна, найн вэлты йисэн,
найн вэлты нэптэн Найн ат
давалла, Вэртэн ат давалла!

Хув ям йисэн нэпэйт найн вэла,
тэланаца-яма.

Ёнкиен вэлум хув ям вэлуп-
сы ин найн юлта түве.

Өйтгэн ухүп кэт эвиец, хи-
лэнэлдэн, ай хилнэчен нэнена
иса вэн амтупсы ат тэлдэйт.

Вэла, хэла, ал мэшита!
Тэлана ёш, тэлана күр!



«Сорни сэй» нёмуп рүтьщаты кәрт Сүмтвош эвәлт кәтләм километра вўши вәл, Лэв юхан кәрәш сәнхумән хурамаң тәхийн омәсл. Щи тәхи одәнән тәнял мүн газетаевн хәншийлсүв.

Вәнтән әмәш вәлты

Сүмтвош ай ёх тухалди «Сорни сэя» Ванзетур, Шайтанка, Сосьва, Саранпауль па Тек кәртәт эвәлт эветпухаң юхтыйлдәт. Арап пеләк күш па одатн муй сменайтән щата вәсәт, ишипа йилпа щив мәнләт. Вантә, лывела щата рүтьщаты шенк әмәш. Щи одәнән лыв «Хәнты ясән» рәпатнека ай павәтсәт. Няврәмат лагерь хуши пәршин хотаңт вәлләт, щиттәт дыпийн ишки муй ўнтә **Дима Тихонов** лупаң, хуты щи хотаңт шәңк. «Сорни сэй» вәнты лўв «Звездный» па «Виктория» нёмуп рүтьщаты тәхенән хуши вәс. Шәта күш павәрт хотаңт холаң, тата лўведа мет ям вәлты. Па пухаң, эвет иши лупсәт, лывела вўрн вәлты мет ям – щата систам далты рүв па муҳадая вән. **Максим Сузопов** «Сорни сэй» одәнән ләхәсләд па Интернет эвәлт уша вәрас. Тата лўведа вәнт па юнтәт сәма рәхсәт. Пәршин хотн лўв сырь холаң, хән ащел пида вәнтыты яңхәс. Щит пәты вәлдә, муй щирн щи хотн вәлты. **Коля Вьюткин** мәнум сменайн рүтьщас, елды хәшшас: «Мәрәмәты морум тата ўнтәм, щит пәты па пурайн йилпа тыв юхатдum. «Киллеры» па «Тайный друг» нёмуп юнтәтн юнтты шенк әмәш, «Зарница» юнт мет сәма рәхсәт. Вўр хўват навратылты иши ям. «Королевская ночь» нёмуп каш хәр иши ёмща вәл. Щалта мүн

пиляра рәпитетты Аня эви сәма рәхсә.

Ашколайн ма нял па вет оценкайта вәндтыйлдум, хәдум утәт иши вәлләдәт. Аңкем-ащем Людмила па Сергей Вьюткинәт. Аңкем пәльницийн ләтут кавәртты нәңа вәл, ащем тәм пүляң нәмхута ўн рәпитет. Няшты хошлум. Ащем па дәхәслам пида хүл велтәсләтты яңхлум, сорт, щепар хүл па па утәт велдүв».

Юля Матей лупаң, талн ўнкел-ащел пида тыв юхтыдас, хүвн дәңхас лўнән тыв йиты. Вәтәң ёхлад лўведа лупсәт, тата әмәш рүтьщаты. Лўв нәмәсл, тата йилуп дәхсәт вәрл. **Катя Гайнутдинова** иши талн вәлдяс, щи пурайн доңыш питман вәс па ушана нәмәлт ўн кәлдас. Сыры нәмхәнты пәршин хотн ўн вәс, тата щимәш утн вәлты лўведа ям. **Галия Малькова** «Сорни сэйн» тәнял вәс: «Мәнәма тата иса ям, арсыр каш хәрәт па КВН вәлләдәт. Тек па Сосьва эвәлт йилуп дәйнәт вәрсум, интум Интернет хуши күтэвн пищмайт китлүв». **Ира Кустышева** эвет па пухаң күтн мет вән вәс, тәм пүш лўв ёшкола етшуптас. «Сорни сэй» хуши хәлум ол рүтьщас: «Мәнәма тата шенк әмәш вәлты, иса талсаты ел мәнты ўн дәңхалум. Па лагерятн, Болгарияйн вәсум, тата мәнәма мет ям. Вантә, вўрн вәлдүв, туристәт ити пәршин хотн холдүв, арсыр кашат вәлләдәт, етнатн рат хәр хонәнән омәслүв».

Лиза Битехтина кät сменайн вәс, хәдмит пүш юхтас: «Мәнәма тата шенк ям вәлты. Елды рүтьщупсы ки вәс, ләдн йилпа тыв юхатсум. Тата арсыр әмәш вәрәт вәлләдәт, «Зарница» юнтлүв. КВН, «Сорни сэй» кәща пириты хәтл па «Минута славы» нёмуп кәсупсы яма нәмдәм».

Маша Белоцерковс-



Максим Сузопов па Коля Вьюткин

Р. Ользина верумхур

кая лупаң: «Юнтлүв, рүтьщалүв па каш вәрлүв. Мет емәнхәтләт, каш хәрәт сәма рәхләт. Дәңхалум, ләдн рүтьщаты пурайн хәтләң хәтләт ат вәсәт па ерт ат питас. Вантә, ертәң хәтлән камн юнтты щир ўнтәм. Лўнән, хән дәйнәдам Сүмтвош эвәлт па тәхета рүтьщаты мәнләт, щи пурайн мәрәм. Лагерьн нәмхәнты ўн мәрәмәлыюм, тата ар хуят пида дәхсәнца йисум, интум Интернет хуши күтэвн пищмайт китлүв». Ира Кустышева эвет па пухаң күтн мет вән вәс, тәм пүш лўв ёшкола етшуптас. «Сорни сэй» хуши хәлум ол рүтьщас: «Мәнәма тата шенк әмәш вәлты, иса талсаты ел мәнты ўн дәңхалум. Па лагерятн, Болгарияйн вәсум, тата мәнәма мет ям. Вантә, вўрн вәлдүв, туристәт ити пәршин хотн холдүв, арсыр кашат вәлләдәт, етнатн рат хәр хонәнән омәслүв».

«Сорни сэй» хуши 11-18-кем олуп ай ёх рүтьщаләт, әмәш вәс уша вәрты, хутысаты елды вәлты дәңхаләт. Максим Сузопов лупаң, лўв питы вуй холумты хәя йиты дәңхал. Вантә,

Мак

дыв вән вух вўлдәт. Щи вухн лўв хот па тынән «Ламборджини» нёмуп түтән әхәл дәтты нумәс тайл. Коля Вьюткин хүрәт яма хәншәл па ёшкола юпийн ольпән хурәт хәншты хуята йиты дәңхал. Юля Матей якты нәңа йиты нумәс павтас, Галия Малькова анкаңел ити хирурга йил. Катя Гайнутдинова дизайнер муй архитектора йиты дәңхал. Лўв нәмәсл, хот омәсты хуята йиты мет ям, кашан хәтл арсыр рәпата вәрты питл. Лиза Битехтина мет сырь тулмаشتаты хуята йиты дәңхас, ёхат юриста йиты нумәс вәрас. Маша Белоцерковская худна елды вәлты одәнән ўн нәмәсас: «Мосән, ләтут кавәртты нәңа йилум, ўнкем пида шенк сәмән кавәртты. Интернет хуши нәлдам ләтут вәрты вәр вантлум. Аңкаңем мәнәма лупаң, муй щирн арсыр ләтуттәт кавәртты. Пүт вәрты хошлум, арсыр пирекат вәрдүм».

Ира Кустышева Европа хўват яңхты дәңхал, щит пәты интум французат ясән вәнләтл, ләдн тулмаشتаты хуята йиты па Парижа касалты.

Реональда ОЛЬЗИНА



Вурщак хатда актаждийлсэт

*Мүүтгэл мир ня́врэмэт давалты хатдлын
Ёмвоши «Торум Мая» нэмшигийн рөпидити ёх
шашак тёплиелүү пэты Кондад мүүв вухаль ёх
Вурщак еманхатд лэштэйт.*

Мосл ястайты, тэмд еманхатд Ёмвоши 2010-
мит од вүш эвэлт верты
питсы. 2016-мит одн өмэш вэйтантупсы
Ня́врэмэт од пэты «Таинство северного
детства» проект вэр хуват
увас мир «Лэпак» нэмуп
община пила лэштасы.
Щи вэр Вячеслав Кон-
дин вэрэс.

Югра мүүвэва вурщак
тухлэн воие Ас нопатты
пурайн юхатд па арсыр
юхан хонёндэн вэл. Мир
күтн вурщак олёндэн
путартлы, мэтты лүв
хүү лывн енк шукатл.
Шит пэты вурщак –
енк шукатты воия аль-
шады.

Еманхатд пурайн
шикүш вотац па ишки
хатд вэс, тэп мосты Ѣносн

Торум Мая харн ям арат
няврэм юхтас.

Сырыя ёкмум мира
вурщак олёндэн айкел
тэсү: хута лүв вэл, муй
верл па муйсэр дэстүүт
мушатл. Щи юпийн
няврэмнэта түхлэн
войт олёндэн амама́тщет
лу́пийлсийт, щэлта
хэлэнтсүв, муйсэр
стихотворенияйт па
моныщат пушхат лүн
пуря па түхлэн войт
олёндэн вэлдэлт. Каша́н
путартум пушхия мэвэн
мойлупсы катлуптасы.

Елды ня́врэмнэти сыр-
сыр касупсэнт кассэт па
вурщак түхлэн воие
вэрсэт. Тёпиет эхэл
шэрийн навартсэт, нэд
есялдсэт, вэн кедтывелт-
тухелт талсэт па па ар-
сыр ширн күтэлн кассэт.



Яма наварман,
хэхэлман па юнтын
юпийн еша вева ювум
няврэмнэти мэвэн
пэсана вохсыйт. Тэта
пушхиет воньшумутэн
нянь лесэт па еплэн шай
яньщсэт.

Ирина САМСОНОВА

**Ханты ясанг
(Хантыское слово)
№11 (3455), 9.06.2016**

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетников Р.Г.
Телефон (3467)33-36-82
Заместитель главного
редактора – **Вах Н.И.**
Ответственный секретарь –
Рагимова Н.В.
Телефон (3467)33-24-02
Телефон (3467)33-24-02

Адрес редакции и издателя:

628011, г.Ханты-Мансийск,
ул.Комсомольская, 31
тел./факс (3467)33-17-52
E-mail: luima@ugracom.ru
Газета размещена на сайте
www.khanty-yasang.ru
Отпечатано:
ООО «Новости Югры-
Производство» г. Сургут,
ул.Маяковского 14.

Подписано в печать:

по графику 9.06.2016г.;
фактически в 9.00
12.05.2016г. в 9.00
Индексы **04393, 54393**
Тираж **2210** экз. Заказ 301
Цена свободная

Газета зарегистрирована
Управлением Федеральной
службы по надзору в сфере
связи, информационных

технологий и массовых
коммуникаций по
Тюменской области, ХМАО-
Югре и ЯНАО. Свидетельство
о регистрации ПИ №ТУ 72-
00796 от 23 января 2013г.

Мнение авторов
публикаций не
обязательно отражает точку
зрения
редакции.